

**DISSERTATIO DE
PRINCIPUM IMPERII
JURE, QUAM DIVINA
FAVENTE &
AUXILIANTE...**

Ortolph Fomann, Georg Stephan
Schelhase, Valenti Gonzaga



*Illustrissimo, Celsissimoq^{ue} Principi ac
Domino,*

DN.

JOHANNI ERNESTO
SENIORI,

Saxoniae, Juliae, Cliviae & Mont-
tium Duci, Landgravio Thuringiae, Marchioni
Misniae, Comiti Marcae & Ravensburgi,
Dynastæ in Ravenstein, DN. suo
Clementissimo,

*Dissertationem hancce
inauguralem*

*Humillimè offert ac conse-
crando inscribit*

RESPONDENS.

S. S. T. F.

THESIS I.

Romanam Rempubicam varias formas gubernationum expertam esse, evincunt historię, & quidem diversorum Regiminum iisque Præfectorum magistratuum species refert Pomponius l. 2. ff. de orig. j. qui ut translata à Populo R. in Principem omni potestate nil proprii salvâ Majestate Principis potuerunt habere, multo minus in heredes transmittere; ita inde frustraneam operam illi mihi semper, insumisse vidi sunt, qui nostros Principes, Duces, Comites, Magist. aribus Romanis vel surrogare vel iisdem æquiparare saltem ausi fuerunt.

II.

Et si enim Præfetti Prætorio potestas & auctoritas post Principem summa & in tantum aucta, ut appellari ab illo non potuerit, nec adversus illum per restitutio in integrum nisi ab ipso l. un. de off. Præf. Prat. l. 18. ff. de minor. Potestas tamen hæc solum fuit officii & administrationis l. 1. §. 5. ibi administrationes, C. de off. Præf. Prat. Afr. 3 t. C. de off. Præf. Prat. imò ubi Imperium declinare cepit, nomen etiam mutatum, & qui antea Præfectus Prætorio, post magister stabuli cum imminutâ potestate appellatus est, Pomponius Latius de Magistr. R. c. 8. p. 92. Belsold. in delib. Jur. ex lib. 1. Pandect. ad t. de off. præf. præt.

III.

Alia autem ratio quum sit modernorum Imperii Principum, qui veri sunt Domini terrarum & in suis territoriis supremum Jus, idque perpetuum & transmissibile habent, vul-

gò die Landesfürstliche Obrigkeit / sonderbare Hebel / vnd Oberbormessigkeit / atque proportionē quādam regalia & jura Majestatis exercent, & hæc quidem omnia expediunt, non jure officii, aut administrationis, sed proprio Marte & specie cujusdam *ἀντοκράτειας*, igitur me non malè locaturum operam in diligētiore ejus inquisitione reor.

IV.

Quod quo facilius fiat, animus est, Principum nostrorum Jus, SS. Triade favente & auxiliante, pro ingenii modulo thesibus quibusdam delineare. Exhibiturus autem iisdem non quæ requirit hujus materiæ dignitas & amplitudo, sed quæ permitit ingenii tenuitas; sufficiat mihi si aliis ansam præbuero talia mecum communicandi, quæ à me impræsentiarum sperari nequeunt.

V.

Quamvis secundum Wehn. *in pract. observ. verbo Landesfürstlicher Obrigkeit* / & nomen & res der Landesfürstlichen Obrigkeit vnd Oberbormessigkeit, nec ll. expressa, nec usu juris satis definita, aut certis limitibus circumscripta reperiat, imò juri nostro planè incognita, & solis moribus introducta, varièque usurpata sit, attamen juxta Knichen *1. de jure territorij c. 1. n. 147.* Jus Principum non incommodè videtur posse definirī, quod sit Superioritas Principibus sublimi & regiâ Idictionis lege, sub nomine & qualitate der LandesObrigkeit / ordinario & proprio Marte concessa.

VI.

Cum verò teste Philosophorum Principe definitio rectè cognosci non possit, nisi singula ex quibus constituitur sint etiam cognita. Rectè huic præcepto aures accommodabo & cum Knichen. *d. l. singula ejusdem verba* examinabo.

VII.

Generis vicem sustinet SUPERIORITAS: namque ealublimioris Imperii & honoris, summique dominatus Symbolum

Ium est, ubique locum affectat, tam in allodialibus quàm feudalibus.

IX.

Licet enim in illis libera & franca sit administratio ejusque, ut quoad dominium tam d rectum, quam utile superiorem quis non profiteatur, *Bl. c. 1. §. de funto. si de feud. fuer. contrav.* Attamen quoad Iuditionem, non dispositionem intelligitur, salvo protectonis & supremæ Iuditionis jure *l. 2. §. fin. de quadr. prescript.* & vigore superioritatis majestas & dignitas illa etiam in liberos exercetur, *Knichen. d. 17. c. 1. n. 280, & 281.*

X.

Superioritas autem illa quum non nisi jure quodam Principatus exerceri possit *arg. c. 1. de Feud. Marib.* notanter dicitur in definitione competere Principibus jura territoria-

XI.

Initio enim ejusmodi excelssitate perpauci ab Imperatore R. decorati sunt & vestiti, quos in partem suæ sollicitudinis adsumserat Imperator *Knichen. d. l. n. 289.*

XI.

Principis nomen quamvis propriè Imperatori soli competat, utque is eà appellatione denotari solet *in LL. Romanis l. Princeps de LL. l. 1. §. 1. de Constit. Princ. §. sed & quod Inst. de I. N. G. & C.* usu tamen & usurpatione generalius factum, ut Duces, Marchiones, Archiepiscopi, Episcopi & similium majorum feudorum regalem dignitatem habentes vocentur. Principes hodiè, idque sit expressè à Friderico I. *in c. 1. in pr. de prob. feud. alien.* Quia in re subjectæ materiæ (susu sub vocabulo Principum non modo intelligo Principes, qui sunt Politici Ordinis, quales sunt Duces, Marchiones, Comites & Barones, sed & eos, qui sunt ordinis Ecclesiastici, videlicet Archiepiscopos & Episcopos. Et quod olim de HERBIPOLENSI EPISCOPO, qui tempore Caroli M. solus specialiter de Ducatu investitus, jus gladii accepit, vulgatum erat dictum: HERBIPOLIS SOLA ju-

JUDICAT ENSE STOLA: id hodie ad plures est diffusum, ut non amplius audientiam tantum ut olim, sed & Jdictionem exerceant criminalem, atque ita Principum personas induant, ideoque tanquam Ecclesiastica personæ jura superioritatis & regalia non habent, sed tanquam status & imperii Principes illa possident & exercent *Reinkingk de Reg. Sec. lib. 1. cl. 4. c. 9. n. 10.* atque tantis honoribus ab Imp. cum cumulati, factum ut Potentissimorum Imperii Principum opes & potentiam, si non superare facile tamen æquare possint, ut ex aliis refert *Heig. 9. 4. n. 52.* Unde Imperium nostrum Sacrosanctum appellatur & Principes in Ecclesiasticos & Seculares distribuuntur *Reinkingk, d. 6.*

XII.

Ea autem jura quæ habent Principes, habent etiam libera Imperii civitates *Be. br. de salvo conduct. concl. 116. Besold. de Jd. Imper. R. 9. 17. Rutg. Ruland. de Commiss. lib. 5. c. 4. n. 41.* id etiam innuit *Münster. in Cosmograph. lib. 3. de Germ. c. 22.* quando ita scribit: *Gleicher wiese wie die Könige vnd Kaysen in teutschen Länden hoch begabet die Fürsten vnd Herren, also haben sie auch nochmals aus sonderlicher Gnade vnd Willigkeits gescrevet die alten Städte, denselben vergönnet etzne Regierung: &c.*

XIII.

Dicitur porro in definitione: Sublimi & regiâ Jdictionis lege concedi jura Superioritatis, hoc accipiendum sub nomine & qualitate der Lände Obrigkeit / vocantur etiam sonderbare *Hohheit vnd Oberbotmessigkeit* / ut discernantur jura, quæ extra territorium & sine eo expediri & exerceri possunt, ut sunt quæ in voluntaria Jdictione consistunt, *Knech. d. d.*

XIV.

Tandem in definitione dicitur Ordinario & proprio Marte. De illo in propatulo est, ordinariam Jdictionem non nisi à Principe vel lege concedi, *Molin. de primogen. Hisp. lib. 1. c. 25. n. 12.* De hoc quoque non minus certum est territorii in dignitatem regiam erectis Jdictionem proprio & ordinario Marte concedi.

XV.

Fuit quidem & Magistratibus R. Iudicio proprio Jure concessa. Unde rescriptum est *l. 5. de Jdici.* More majorum ita comprobatum esse, ut is demum Iudictionem mandare possit, quicquam suo jure non alieno beneficio haberet. Verum hoc in dicebatur fieri, vel ad differentiam delegatorum, qui nihil proprii habebant *l. 1. § 1. ibi purpure.* n. 2. ff. de off. ejus em Mandat. est Jdici. vel potius suo jure is Iudictionem habere existimabatur, cui hæc eo ipso, quo Magistratus est creatus, concederetur.

XVI.

Hinc jure proprio & jure Magistratus competere æquiparantur, & unum idemque esse reputantur *d. l. 1. in pr. ver. quæ v. magistratus jure* & c. de off. ejus & c. junct. *l. 5. de Jdici.* & generaliter, quæ jure Magistratus aut proprio jure competunt, mandari possunt *d. l. 1.*

XVII.

Principibus verò Imperii longè pleniori jure scilicet territorii, cui, ut alia sic & illa ipsa quasi est annexa. Unde & concessio territorio universaliter successoriâ lege in perpetuum transiit ad commodum & utilitatem propriam *Knichen. d. tr. c. 1. n. 388.*

XIX.

Exinde infertur veram esse, vulgatam & tritam tam in foro quàm scholis, Dd. Theoricam; Duces, Marchiones, Comites, & c. immediatos in suo Ducatu, Marchionatu, & c. tantum posse quantum Imperatorem in toto Imperio *Bl. in l. recepta C. de consuet. pecun. Paul. de Castr. consil. 83. incipiente super primo dubio part. 2. Alexand. consil. 1. n. 29. vol. 5.* & alii quos refert Boreb. in tr. de feud. c. 5. n. 34. & in c. un. quæ sunt regalia n. 7. & seq. & quos prolixâ serie allegat Bachov. ad vol. 1. Tr. disp. 23. lib. 1. lit. c.

XIX.

Non tamen propterea Imperatori pares efficiuntur, sed

relatione habitâ ad subditos suæ provinciz, in quos eandem vel similem, quam Imperator in universo, habere videntur. *Jdicationem Wibn. d. l.* adeo ut Principes Imperii Gratia Dei suam dignitatem acceptam ferant; non minus quam summus Princeps in suis rescriptis Epistolis, & Edictis utuntur formulâ, *Wir von Gottes Gnaden.*

XX.

Eâdem etsi formulâ & intitulaturâ olim non solum Principes & Duces, sed & his inferiores usi fuerunt, cujus rei exemplum mihi præbet Excellētiss. Dn. D. Draco Consiliarius & Ordinarius Saxo Coburgicus, Patronus meus honoratiss. *lib. 3. tr. de Orig. & Jure Patrie. in append. c. 2. n. 13.* ubi ex actis in causa *Meinzig contra Erfurth* inter alia hoc singulariter notat, quod cujusdam Comitis de *Gleichen* literæ sub dato Michaelis ann. Dom. 1277. tale principium habeant: Nos Albertus DEI gratiâ Comes de *Gleichen*, &c. Hodie tamen saltem Principes utuntur; quâque in Gallia absque crimine læsæ Majestatis rege inferior uti non potest, *Reinkingk de Reg. Sec. & Eccl. lib. 1. cl. 5. c. 6. n. 224.* unde, teste *Bodino lib. 1. de Rep. c. f. pag. 270.* verba hæc DEI GRATIA Ludovicus IX. Franciscum Armoricarum Ducem, de suis rescriptis detrahare jussit.

XXI.

Verum uti hæc inscriptio Principum nostrorum eminentiam & potestatem satis arguit, ita *Bodinus* quod *d. c. f. p. 269.* eam Divinæ Gratiæ recognitionem, rescriptis, literisq; præmitti solitam, inter levissima eorum ponit axiomata, merito taxatur à Dn. D. Draco *d. l.*

XXII.

Ex dictis suâ spontè fluit, quod Principes Imperii in potestate quoad subditos, & regimine, regalibus actibusq; *Jdictionalibus* non recognoscant Superiorem. Unde in hujusmodi actibus *Jdictionalibus* ipsi Imperatori præservatur, quatenus nemo Principibus subiectus, immediatè recurrere possit ad Imperatorem, nisi causa sit ardua, intolerabilis præjudicii & notoria omnis injustitiæ.

XXIII.

XXIII.

Recognoscunt autem Principes feudi lege ab Imperatore, & habent ipsius munificâ concessione sublimè hoc jus territorii. Per hanc tamen munificam & prolixiâ Imperatoris concessionem splendor & dignitas ejus minimè exhauritur, & suprema potestas imminuitur, sed magis illustrior inde red-
ditur, quandoquidem tanto major & potentior quisq; habetur, quantò melioribus & illustrioribus præest, ait Justin. *Nov. 15. in fin. pr.* eoq; nobilior existimatur, qui sublimius habet subjectum *Arist. 1. Polit. 5. & 8.* Unde Carolus V. Imperatorem gloriatum sequunt; se in Germaniâ regibus, in aliis regnis ac Provinciis, mancipiis ac servis imperitare. Zieritz *de princip. int. ips. dign. prerog.*

XXIV.

Recognitio autem ista non officit quò minus erga subditos Principes proprio jure uti queant, novâ etsi merum Imperium obtrineant feudi conditione, nihilo secius fructus Jdictionis proprio veniunt jure. Inde q; Principes sibi vendicant proprietatem instar aliarum rerum, & in territoriis suis exercent omnimodam Jdictionem, nec non juribus præeminentiis & privilegiis, tum quoad leges condendas & alia, coruscant Imperatori indultis *Kutzb. d. c. 1. n. 361.*

XXV.

Hinc ex justâ & urgente causâ utilitatem publicam cernente Principes in suo territorio rem alteri possunt auferre. Sic si dilatanda civitas & civis propinquum habeat fundum, cum Princeps pro dilatandis fossis civitatis vel extruendo propugnaculo, aut aliâ necessitate publicâ potest occupare *Gail. lib. 2. obf. c. 56. n. 2.*

XXVI.

Verum, an Princeps, auferens rem privati ex causa publicæ utilitatis & necessitatis, teneatur ad solutionem justî pretii quæstionis est? Affirmativa sententia cum *Gail. d. obferv. 16. n. 3. & Kutzb. Decur. 3. quest. illust. 7.* mihi placeat. Maximè enim æquitati, rationi & justitiæ consentaneum est, ne subditus absque culpa suâ invitus re & pretio careat *per text. in l. venditor §. si constat ff. commun. pred. l. 2. C. in quibus causis servi, pro pram. liber. accip.*

XXVII.

XXVII.

Ex prædictis infertur, quod licet LL. & statuta condere summæ Majestatis sit Symbolum. Permissum tamen generatim Electoribus & Principibus non secus ac Imperatori jura provincialia vel constitutiones promulgare; & contrarias abrogare, rursusque novas constituere, etiam jura communia inconsulto Imperatore tollere, quod & ad Imperii civitates extendit *Gril. in tr. de Arrest. Imper. c. 9 n. 1.* atque illas in pronuntiando Camera attendere tenetur *parl. 1. ordin. Cam. tit. 57.* Secus tamen fuit olim in præsidibus provinciarum, qui contra jus statuere nihil potuerunt, *textus in l. formam C. de off. pref. parl.*

XXIX.

Ex prædictis cuivis etiam facile obviæ esse poterit, statuta Principum Germaniæ malè cum jure Prætorio propriè sic dicto comparare, & actionem inde in factum descendantem, concedere Panormitanum *c. ult. extr. de off. legat. Tr. disp. 23. vol. 1. 16. 1. lib. 1* & illam ut aliz Prætoriz, anno finiri, *Sichard. ad Rubr. C. qui admitt. ad bon. poss. n. 15.* cum propter dictas rationes, magis legibus accensenda esse, & ex iis conditionem ex lege oriri certum evadat, *Barbov. ad d. disp. 23. ibi. lit. C.*

XXIX.

Intuitu Jdictionis concessæ omnigenæ Principes merito quoque sibi vendicant exercitum regalium tam majorum quam minorum. Sic jus monetæ licet aliàs sit character inseparabilis Majestatis. Cui alludit Vopiscus, quando duo signa Imperatoria proponit, Purpuram & monetam. Illam ornamentum, hanc potestatis appellat. Eo ipso tamen si vel à summa Majestate id illis sit concessum vel immemoriali præscriptum & consuetudine acquisitum rectè gaudent Principes, siquidem tacitum Principis consensum præ se gerunt, nec tituli allegatione opus habent *arg. l. ex hoc jure §. dultus ff. de aqua quodid. & l. 1. §. ult. ff. de aq. pluv. & c.* Et sicut monetæ probitas bonæ Politicæ est indicium; ita ejusdem corruptio labascens, & ad interitum vergentis Reip, certum est prælagium. *Lindem. in differtat. de verâ & genuin. mutui & imprimis nummi essent.*

th. 90. Id ipsum etiam historiarum monumenta luculenter
testantur. Inter Antonii Caracallæ terribilissimi Imperii Carcino-
matis auctus Tyrannicos recensetur adulteratio monetæ, Xi-
philinus in *vita Caracallæ*. Cedrenus de Imperatore Phoca
refert, quod de pravatione monetaria maximum detrimentum
Reip. attulerit. Quare Principes certis pactis & LL. suæ Reip.
debent prospicere, ut nummi legibus monetariis conformes
feriantur, monet *Berni. in tr. de numm. lib. 1. c. 4. p. 34.*

XXX.

Porro licet jus restituendi, aggratiandi & indulgendi, soli
summo Principi propriè competat, attamen ex mero Imperio
quod Principibus & statibus est indultum, hodie rectè hanc
potestatem restituendi & concedendi impunitatem absolu-
tam sibi vendicant, *arg. l. 1. §. f. ff. de quasi. l. Divi fratres ibi: vel in
integrum restitutio ff. de pæn. R. A. zu Speyer de Anno 1526.
§. Und wiewol der gemeine Mann. ibi: So sol ein jede Obrig-
keit etc. R. A. zu Speyer de Anno 1526 §. Es sol sich auch. ibi:
Die zu jeder Obrigkeit Bedenken und Macht stehen &c. modo
tamen non refragetur divini juris auctoritas seu sunt pænæ à
jure & lege divinâ criminibus dictatæ, Magnificus Dn. Ordina-
r. Theodor. Præceptor & Patronus meus omni observantiæ
cultu prosequendus *disf. 10. colleg. crim. th. 7. lit. B. ver. ab hisce
sentim.**

XXXI.

Comites autem & Barones Nobiles, aliiq̃ue inferiores
magistratus, licet mero imperio muniti, attamen tradente Ma-
gnif. Dn. Ordinario Theodor. modò citato loco, pœnam
corporalem in aliam principe inconsulto mutare nequeunt,
idem quoque tradit *Kubach. cent. 2. quasi. illust. decur. 7. q. 3. §.
4. arg. l. 4. §. l. 31 ff. de pæn.* quodque minus habet dubii in his
terris propter constitutionem Provinciam, quâ cautum
absque consensu Illustriss. Ducum Saxon. nullam debere fieri
gratiam vel remissionem pœnæ sub Rubr. *Daß peinliche Sa-
chen / dadurch das Leben verwirlet / ohne vnser Bewilligung
nicht bürgerlich zu machen.*

XXXII.

Magistratibus autem inferioribus superiorem Iuditionem habentibus, potestatem ab ordinariâ pœnâ recedendi non denegat Magnif. Dn. Ordinar. Theodoric. *d. l.* Si illa ex æquitate legibus sit expressa, atque ita in casu quodam, quod duabus personis, quæ in secundo gradu lincæ æqualis collateralis sese miscuerant perpetuam relegationem in Scabinatu hujus loci fuisse dictatam, simulque ob delinquentium ætatem minorem, & alias circumstantias dispensandi, & pœnam relegationis in multam commutandi jus esse, nobilibus quibusdam responsum testatur itidem Magnif. Dn. Ordinar. Theod. *d. l.*

XXXIII.

Concessum quoque est nostris Principibus ex antiquissimo libertatis prætenso & novissimo imperii jure, ut possint cogere militem in propriam & aliorum salutem. *St. A. de Anno 1526. §. Darouff & c. Waremund. ab Erenberg. lib. 1. de fæder. c. 2. n. 56. & consequenter pacis & securitatis fœdera inter se fecisse. A. B. Carol. 4. tit. 15. ordin. Cam. part. 2. l. 2. §. Sojemand etc.*

XXXIV.

Apud Romanos sicut fuit in usu, quod multæ Provinciæ in potentium familiarum patrociniū ac clientelam se dedeciant; ita haud dubiè ad similitudinem horum patrociniū Principes nostri in Episcopatus, Civitates Imperii & monasteria sibi vendicant jura Advocatiarum & Protectionum.

XXXV.

Occasione horum quæritur: An Civitas vel alius Status Imperii, qui se in clientelam ac patrociniū alterius dedit, ex eo amittat jura superioritatis in suo territorio? Negativam sententiam tueor *arg. l. non dubito §. 1. ff. de captiv. & possim. revers.* Jus enim Patronatus, Protectionis vel Advocatiæ non tribunt Iuditionem Patrono, Protectori vel Advocato.

to, & ideo clientes non efficiuntur subditi, licet se alterius protectioni submittant. Patronus enim & Advocatus nihil est aliud quam defensor, *Wehn. in pract. observ. sub vocab. Schirmverwante.*

XXXVI.

Insuper non pugnant hæc duo esse in clientela alterius & exercere jura superioritatis in suo territorio. Siquidem clientela illa regulariter nihil est aliud quam quædam quasi confederatio aut pactum quo Clientes Patronos observant, & hi vicissim eos conservant. Semper enim sit salva Jdictione ordinariâ, *Wehn. d. l.*

XXXXVII.

Cæterum hic non prætereundum duco, quod potestas gladii seu merum imperium Principibus nostris hodiè non competat jure Magistratus, & ab iisdem exerceatur, siquidem illud aliis exercendum committunt *Bachov. ad vol. 1. Tr. disp. 7. tit. 6. lit. E.*

XXXIX.

Concessione tamen illâ à Principibus factâ non nisi speciali merum imperium & hodiè transire verius est *arg. l. 1. ff. de officio ejus &c.* non attento quod sub nomine Magistratus plerumque concedi soleat.

XXXIX.

Nec enim olim ideo jure Magistratus competebat, quod Princeps eo ipso quo aliquem v. c. provinciar præsidem creabat, simul concederet potestatem gladii & criminum executionem, quod contra Cujacium in *l. 1. de V. S. & ad Papin. in l. 1. ff. de officio ejus &c. cum Bachovio d. l.* verissimum existimo, vel ex hac ratione, quod absurdum foret vel Papinianum in *sapè d. l. 1. de officio ejus &c.* disertissimis verbis merum imperium iis, quæ juri Magistratus competunt, opponere, vel *Ulpian.*

num in lib. 6. de officio procons. negare, à Proconsule merum Imperium legato mandari posse, quorum tamen tempore, imò longè ante ipsos, qui Præfeti prætorio, Proconsules, Præsides creabantur, hoc ipso merum accipiebant imperium, *Bachov. d. l.*

XL.

Hujus tanta est dignitas, ut quædam nationes non hominum, sed Deorum merum imperium existimarint, uti apud veteres Germanos scribit Tacit. de moribus Germ. neque animadvertere, neque vincere, neque verberare licuisse, nisi Sacerdotum permisso, non quasi in pœnam, nec Regum, nec Ducum jussu, sed velut Deo imperante, id fiebat. *Vincen. Cabot. libr. 2. disp. 7. c. 5. pag. 203.*

XLI.

Sane hodierno statu, ubi jus temporarium præfecturæ abilit in autokratia regiar, ut tradit *Bachov. d. l. & Knichen. de jur. territor. c. 1. n. 65.* & merum imperium ab Imperatore in feudum dari solet, hereditarium id & gentilitium efficitur, *Scipio Gentil. lib. 3. de jact. cap. 23. Hill g. lib. 17. c. 8. lit. Nn.*

XLII.

Quæ tamen concessione Imperator minimè à se abdicat omnem potestatem. Sic Pharaon Rex Egyptiorum concedendo Josepho omnem potestatem in regno suo, quam ipse usurpavit, & ut Patris Patriæ nomen, ipsius Regis oraculo ferret, supremam tamen potestatem & regni Solii Majestatem sibi reservavit, *Genes. 41. v. 40. & 43.* quæ reservatio ipso jure illi concessioni annexa fuisset, etiamsi ejus expressè Rex non meminisset *text. in c. dudum §. non igitur de prebend. in 6.*

XLIII.

Quo argumento statuo Principem concedendo Nobili
pagum vel villam cum Iuditione omnimodâ, *nicht allen Gerichten*
ren vnd Gerichten/ se non privare Iuditione, sed adhuc
oës actus Iuditionales in pago Nobilis eo insalutato exercere
posse, *Kubal b. centur. 2. decur. 8. quest. illust. 5.* Jus enim supe-
rioritatis & reliqua recognitionis jura sibi semper reservat.
Princeps investiens quendam cum Iuditione, idque satis lucu-
lenter probat Laudatissimæ memoriæ Saxoniz Princeps Jo-
hannes Casimirus, Dn. quondam meus Clementissimus in Re-
cessu provinciali sub dato Coburg 23. Octob. Anno 1612. S.
Sind wiederumb vnser Ritterschafft etc. ibi: Jedoch vnser hohe
Landesfürst vnd Erentbarlt. he Obrigkeit/ etc. Atq; his paucis de
Principum imperii jure per Dei gratiam disserere licuit, cui sit
laus, honor & gloria.

CL Dno. DOCTORANDO,
Amico suo pl. æstimando.

EX Legum studiis Patruelis honore coruscat
Justinus, decus & nuper abundè tulit:
Nunc quoque, quæ meritis, dudumq; brabèa, Georgi
Appetis; & Themidos totus amore cales.
O genus egregium! cui talia germina surgunt;
Cui leges hæc sæcli pondera dura levat.


L. Mosq.
gratulabundus scribebat.

PRÆSES.

Dum pugnās, referēs magna cum laude trophæa,
Non pugnās ferro, prælia voce geris.
Regum & Nobilium de jure pericula tentas,
Hinc tibi mox tribuet præmia digna Themis.

Sympatriotæ, Commentali,
& amico meo exoptatissimo, gratulab. f.

Christoph Philip Richter/
D. & P. P.



F I N I S.